

太上無極蒼墟東華木公王父寶懺

啟懺讚（無上調）

仰稽依王公比木父尊 蒼靈依碧海比拱居宸

道在依無為比成妙化 身常依清靜比隱金身

統理依乾健比諸法子 天地依神仙比賴轉昇

於今依啟醮比朝天闕 頂禮依焚香比謁上真

齊俯依首氣比納微忱 惟願依仙鑿比一降臨

皈命禮大聖東華木父大天尊（三稱）

祝香神咒

道由心學 心假香傳 香爇玉爐 心存帝前

真靈下盼 仙旆臨軒 令生關告 逕達九天

淨口神咒

丹朱口神 吐穢除氛 舌神正倫 通命養神

羅千齒神 卻邪衛真 喉神虎賁 氣神引津

心神丹元 令我通真 思神鍊液 道氣常存

淨心神咒

太上台星 應變無停 驅邪縛魅 保命護身

智慧明淨 心神安寧 三魂永久 魄無喪傾

淨身神咒

靈寶天尊 安慰身形 弟子魂魄 五臟玄冥

青龍白虎 隊仗紛紜 朱雀玄武 侍衛我身

安土地神咒

元始安鎮 普告萬靈 嶽瀆真官 土地祇靈
左社右稷 不得妄驚 回向正道 內外澄清
各安方位 備守宮庭 太上有命 搜捕邪精
護法神王 保衛誦經 皈依大道 元亨利真

淨天地神咒

天地自然 穢氣分散 洞中玄虛 晃朗太元
八方威神 使生自然 靈寶符命 普告九天
乾羅答那 洞罡太玄 斬妖縛邪 度眾萬千

中山神咒 元始玉文 持誦一遍 卻病延年
按行五嶽 八海知聞 魔王束首 侍衛我軒
凶穢消散 道氣長存

金光神咒

天地玄宗 萬氣本根 廣修億劫 證帝神通
三界內外 惟道獨尊 體有金光 覆映帝身
視之不見 聽之不聞 包羅天地 養育群生
誦持萬遍 身有光明 三界侍衛 五帝伺迎
萬神朝禮 役使雷霆 鬼妖喪膽 精怪亡形
內有霹靂 雷神隱名 洞慧交徹 五氣騰騰

金光速現 覆護真人 急急如

玉皇上帝光降如律令

伏以 洪濛初剖 清寧墟中 四維立而八極
張五嶽峙而九霄位 不有管轄之聖神 誰作
綱維之主宰 以故西華瑤池專司 則有

金母 東極碧海秉政 則有

木公 是皆箕天地而並生 歷悠久而無息 生
等忝列玄門 仰稽道範 爰設齋壇 恭迎仙

趾 謹爇真香 虔誠先啟

無上依紫府玄祖比大天尊

太上依三清三境比大天尊

太上依昊天玉皇比大天尊

太上依后土掌劫比大天尊

太上依圓明道姥比大天尊

太上依日帝月皇比大天尊

太上依南宸北斗比大天尊

太上依五方五老比大天尊

太上依九霄九宸比大天尊

太上依十極十華比大天尊

太上依三元三品比大天尊

太上依文武二聖比大天尊

無極聖眾天尊無量觀

太上無量感應無量觀

皈命禮西華太妙金母大天尊

讚（玉皇調）

東華教主 碧海寅師 氣分元始毓蒼墟

仙籍賴遷除 淵默高君 化育洽清虛

皈命禮大聖東華木父大天尊（三稱）

至心皈命禮

清微大道無極神君 元始之化分真 紫府之潛

龍勿用稱帝 於方諸之山 職掌天階仙籍

立闕於碧海之上 道稱化育群生 三宮有管

轄之司 八帝為無為之座 屆期登臺 南顧

宛爾 紫氣東來 湛然真靜 誕迪玄功 無上

之君 群真之祖 大悲大願 大聖大慈

東華大司命少陽帝主王公木父大天尊（三稱）

生等伏聞 潛德幽深 揚翹而德始著 榮光

韜晦 拂拭而光斯昭 有如太璞之蘊於中

一似秋水之藏於匣 緬維

王公木父 從元始之化 氣生蒼墟之妙 天寂

靜而麗於空 恬淡而高其養居 然禮樂之無
聲 氣體未見色 聲之或震 大擬於北辰之
居所 若合符焉 宛乎南極之溟深 庶幾近
之 生等忝列玄門 仰稽大德 不亟頌揚 疇
知聖概 以今公同法侶 謹爇真香 清潔齋
壇 瞻雲叩拜

至心朝禮

東華大司命少陽帝主王公木父大天尊
東華從事遷轉真官
東華從事校品仙真

讚 (玉皇調)

萬仙宗祖 無極神君 凝神湛寂樂天真
啟迪日維新 吹萬皆春 薄海荷陶鈞
皈命禮大聖東華木父大天尊 (三稱)

至心皈命禮

清微大道無極神君 元始之化分真 紫府之潛
龍 勿用稱帝 於方諸之山 職掌天階仙籍
立闕於碧海之上 道稱化育群生 二宮有管
轄之司 八帝為無為之座 屆期登臺 南顧
宛爾 紫氣東來 湛然真靜 誕迪玄功 無上

之君 群真之祖 大悲大願 大聖大慈

東華大司命少陽帝主王公木父大天尊

生等伏聞 有為之聖 倍極經營 無為之君
獨高渾穆 青宮太乙 緋蓮開慈濟之門 震
位真王 跌鳳宏普化之願 是皆東極至人
於以聲施 上下若其 別居深邃 另著高標
是維

王公木父 湛寂瑤宮 弗問羲皇甲子 端拱海
闕 幾忘塵世滄桑 渺渺凝玄不侈 意於聲
靈震疊 無無上道並未傳 夫鸞鶴翱翔堪云

聖不自聖 是謂玄之又玄 生等忝列玄門
仰稽大德 不亟頌揚 疇知聖概 以今公同
法侶 謹獻時花 清潔齋壇 瞻空叩拜

至心朝禮

東華大司命少陽帝主王公木父大天尊

東華從事遷轉真官

東華從事校品仙真

讚（玉皇調）

方諸瑤圃 俯鎮扶桑 無為妙化 斂神光
四海煦和陽 蒼闕凝香 高拱壽無彊

皈命禮大聖東華木父大天尊（三稱）

至心皈命禮

清微大道無極神君 元始之化分真 紫府之潛
龍 勿用稱帝 於方諸之山 職掌天階仙籍
立闕於碧海之上 道稱化育群生 三宮有管
轄之司 八帝為無為之座 屆期登臺 南顧
宛爾 紫氣東來 湛然真靜 誕迪玄功 無上
之君 群真之祖 大悲大願 大聖大慈
東華大司命少陽帝主王公木父大天尊

生等伏聞 登真成道 高居仙籍之班 駕鶴

驂鸞 仰觀靈霄寶殿 遷轉有階 功修殊等

總歸統轄之司 獨握羅天之掌 緬維

王公木父 職司乾道 咸叨大父恩光 統理仙

群 群沐真師 化雨希聖 作聖成聖 恆善誘

而甄陶 地仙 神仙 天仙 均按功而薦拔

是仙皆隸門下 無聖不謁東華 未爽丁卯之

期 會應登臺之望 生等忝列道門 仰稽聖

德 不亟頌揚 疇知聖概 以今恭同法侶 謹

酌清泉 清潔齋壇 瞻天叩拜

至心朝禮

東華大司命少陽帝主王公木父大天尊
東華從事遷轉真官
東華從事校品仙真

迴向

伏念 紫府虛無 九天布彌綸之化 玉清浩
渺 聖境皆空洞之天 沖漠無倪 摹擬絕跡
窺之 莫窮其妙 仰之益見甚高 端拱而宅
幽玄 凝神而處清靜 欽維

王公木父 逍遙碧海之中 淵默蒼靈之闕 化
不可測 疇其測之 聖不可知 孰克知之 生

等備攷 玄緯尚溯 瑤編既力 竭夫推崇
用情深乎祇載 以今齋壇醮竣 朝禮周圓
瞻望雲衢 傾心感戴

為上良因 再申稱念

皈命禮大聖東華木父大天尊（三稱）

覃恩不可思議功德、、

收經讚（玉皇調）

天仙至聖 咸賴陶鎔 祥雲瑞靄盡朝東
蒼翠護瑤宮 一氣青空 曉日初瞳明

皈命禮大聖東華木父大天尊（三稱）